

AKHBAR : BERITA HARIAN
MUKA SURAT : 19
RUANGAN : NASIONAL

Kesihatan

RM30.6b peruntukan kesihatan

Kerajaan mahu pastikan rakyat dapat akses berkualiti

Kuala Lumpur: Kerajaan menyediakan peruntukan RM30.6 bilion bagi memastikan rakyat memperoleh akses penjagaan kesihatan berkualiti, selaras aspirasi masyarakat inklusif.

Menerusi pembentangan Belanjawan 2020 semalam, peruntukan itu nyata lebih tinggi berbanding RM28.7 bilion tahun lalu, dengan sebahagian besarnya bertujuan mengurangkan beban perbelanjaan penjagaan kesihatan awam.

Peruntukan yang diumumkan merangkumi tujuh perkara termasuk RM1.6 bilion bagi pembinaan hospital baharu dan me-

naik taraf serta membesarakan hospital sedia ada.

Ia termasuk Hospital Tengku Ampuan Rahimah Klang, Hospital Kampar, Hospital Labuan dan Pusat Kardiologi Hospital Queen Elizabeth II di Sabah.

Sejumlah RM319 juta diperuntukkan bagi membinा dan menaik taraf klinik kesihatan, pergigian dan kemudahan kuarters.

Peruntukan permulaan RM60 juta turut disediakan kepada semua kanak-kanak tahun depan.

Dalam usaha perkhidmatan kecemasan dan trauma lebih responsif, sejumlah RM59 juta diperuntukkan untuk menambah bilangan ambulans melalui kerjasama dengan perkhidmatan ambulans badan bukan kerajaan (NGO).

Sejumlah RM227 juta turut disediakan bagi menambah baik peralatan perubatan, manakala



6 Peruntukan permulaan RM60 juta untuk vaksin pneumococcal kepada semua kanak-kanak melalui Program Imunisasi Kebangsaan (NIP) sudah lama dinantikan.

Dr Noor Hisham Abdullah,
Ketua Pengarah Kesihatan

RM95 juta untuk pengubahsuaian infrastruktur dan kemudahan perubatan seperti di Hospital Pontian.

Kerajaan turut memperuntukan RM31 juta bagi menaik taraf dan menyelenggara perkhidmatan teknologi maklumat dan komunikasi (ICT) dan RM5 juta bagi

perkhidmatan klinik bergerak untuk memudahkan penduduk luar bandar terutama Orang Asli.

Sementara itu, peruntukan RM30.6 bilion kepada Kementerian Kesihatan akan digunakan bagi memantapkan penyampaian perkhidmatan kesihatan kepada rakyat terutama penduduk luar

bandar, golongan miskin bandar dan Orang Asli.

Ketua Pengarah Kesihatan, Datuk Dr Noor Hisham Abdullah, berkata ia juga akan membawa penjagaan kesihatan primer dari hospital kembali kepada komuniti, rumah pesakit dan individu khususnya golongan B40, Orang Asli dan rakyat di pedalaman.

"Peruntukan permulaan RM60 juta untuk vaksin pneumococcal kepada semua kanak-kanak melalui Program Imunisasi Kebangsaan (NIP) sudah lama dinantikan.

"Begitu juga Skim Peduli Kesihatan (PeKa B40) diperluaskan liputannya kepada individu berumur 40 tahun ke atas berbanding had umur 50 tahun sebelum ini," katanya.

Beliau berkata, peruntukan itu adalah yang tertinggi pernah diterima dalam sejarah belanjawan negara.

AKHBAR : BERITA HARIAN
MUKA SURAT : 20
RUANGAN : NASIONAL

Pelancongan

Insentif 50 peratus daripada hasil cukai

RM90 juta dikhaskan bagi tingkat kesedaran, promosi TMM2020

Kuala Lumpur: Kerajaan memperuntukkan RM1.1 bilion kepada Kementerian Pelancongan, Seni dan Budaya (MOTAC), dengan RM90 juta dilhaskan untuk meningkatkan kesedaran, promosi dan program sempena kempen Tahun Melawat Malaysia 2020 (TMM2020).

Ia selaras sasaran kerajaan menarik kedatangan 30 juta pelancong ke negara ini tahun depan.

Kerajaan juga akan memberi insentif 50 peratus hasil cukai

Intensif pelancongan

- » Pengecualian duti eksais 50 peratus untuk kenderaan
- » Pelancongan perubatan -jana RM1.5 bilion daripada 1.2 juta pelancongan kesihatan pada 2018.

pelancongan kepada setiap kerajaan negeri untuk menyokong TMM 2020.

Permohonan e-visa yang diperkenalkan kepada 10 negara, termasuk China dan India turut dipermudahkan cara proses pengeluarannya.

Justeru, ejen pelancongan berlesen di bawah MOTAC dibenarkan menghantar permohonan secara berkelompok sehingga 100

orang setiap transaksi melalui sistem eNTRI dan eVISA.

Insentif lain, perkhidmatan kereta api funikular di Bukit Bendera, Pulau Pinang yang ketika ini mencecah dua juta penumpang setahun dan melebihi kapasiti.

Justeru, kerajaan memperuntukkan RM100 juta untuk membina sistem kereta kabel baharu ke Bukit Bendera, manakala tambahan ditanggung kerajaan negeri

Bagi meningkatkan manfaat ekonomi TMM2020, kerajaan turut mencadangkan insentif cukai ke atas sektor kesenian dan pelancongan dengan memberi pengecualian cukai pendapatan bagi aktiviti itu.

Pada masa sama, pengecualian cukai pendapatan daripada pendapatan berkanun atau eluan cukai pelaburan sebanyak 100 peratus bagi pelaburan baharu taman tema antarabangsa dan 70 peratus untuk

MyHT2020 menjadi penanda aras kejayaan Malaysia sebagai destinasi pelancongan penjagaan kesihatan yang diakui oleh rakan industri berpengalaman di peringkat global, selain lokasi percutian.

**Sherene Azli,
Ketua Pegawai
Eksekutif MHTC**

lima tahun berikutnya.

Berita gembira buat syarikat yang menaja aktiviti kesenian, kebudayaan dan warisan di Malaysia, apabila kerajaan meningkatkan potongan cukai daripada RM700,000 sehingga RM1 juta setahun.

Selain itu, eluan modal ke atas perbelanjaan bagi pembelian bas persiaran baharu jenis pemasangan tempatan boleh ditutup sepenuhnya dalam tempoh dua tahun.

Sementara itu, kerajaan juga akan menganjurkan Tahun Pe-

lancongan Kesihatan Malaysia 2020 (MyHT 2020) sebagai pengisian program TMM 2020 untuk memperkuuh kedudukan utama negara sebagai destinasi pelancongan perubatan di rantau ini.

Bagi mempromosikan pelancongan kesihatan, kerajaan akan memperuntukkan RM25 juta kepada Majlis Pelancongan Kesihatan Malaysia (MHTC) bagi mengukuhkan kedudukan itu khususnya dalam bidang onkologi, kardiologi dan rawatan kesuburan.

